

黃帝陰符經注序

夫陰符三百言旨歸一也

世人多問測玄奧談道兵法人事者非耶

太玄曰陽推五

福以類升

壽富康寧好德終命

陰幽六極以類降

凶短折疾憂貧惡弱

聖人敷演天

一地二三生萬物稟一炁而生是以修心合性修性合炁炁合

虛元虛无合體然後執天行道觀象法言測三要之奧文鍊五

行之正炁陶甄日月潛運坎離察陰陽造化之權通天地發生

之理經曰日月有數大小有定聖功生焉神明出焉大哉深窮

妙旨洞測真源得之則長生失之則輕命有以見演道演法演

術三字古聖賢秘而存焉乃天機密也不可輕泄今略注解用

導精微直貴无文易明大意上則神仙抱一演道夫演道者還

道藏輯要

陰符經注序

番

斗集六

丹抱一之門運炁走朝泥丸

如炁丸轉上朝天也

人之元炁走於首為之

道字仙經曰長生不老還精補腦太清玉訣曰若到河車地黃

金滿我家是也中則富國安民演法夫演法者中去邪欲之心

上朝瀆坎之水為之法字是心為帝王坦然得一正其法度富

國安民也太清玉訣曰若到褐河津造白色藏真是也下則強

兵戰勝演術夫演術者木生火離中虛是水也坎中實是火也

是以中心行真水真火相伏為之術字也太清玉訣曰若到紫

精丹不死亦不難是也

黃帝陰符經

沈亞夫注

演道章

觀天之道執天之行盡矣

君子仰觀天道運行不息合法順動固其性命乃保毓天數盡矣

天有五賊見之者昌

天有五賊五行也日者火也火生於木木尅土土月者水也水生於金金尅木見五行相賊相生是為寒暑故曰予仰視天文盜五行順逆得其次序則天命昌延乃長生之大本

道藏輯要

陰符經注

卷

斗集

五賊在乎心施行於天

天有五星人有五臟應眼耳鼻舌心心者五賊之首是以觀於五星經緯萬象內外相成執天之道行矣

宇宙在乎手萬化生乎身

君子曉達真源譬天地在乎手造化生乎心知萬物稟一炁生萬物之身也

天性人也人心機也立天之道以定人也

天命之謂性人也人心機變測造化之功定行天道无差失也

天發殺機移星易宿地發殺機龍蛇起陸

三陽之月陰陽交泰水火相賊乃天發殺機有雷霆風雨振動龍蛇出蟄萬彙發生見生殺之權備矣

人發殺機天地反覆

凡人心不可動動則吉凶悔吝生焉天地非反覆天者聖人也地者臣道也反覆者順逆也六順六逆不常則乃爲之反覆聖人不動心則順天之命小人逆行機則不盡天數矣

天人合發萬變定機

聖人合天道機衡當无差變乃定其心機是故守一

性有巧拙可以伏藏

夫人巧拙之性坎離之象巧則既濟拙則未濟故伏藏於丹

道藏輯要

陰符經注

巽

斗集六

田丹田者精炁之元也

九竅之邪在乎三要可以動靜

人身之九竅也心正則九邪不能入三要者陽之正數也三

三如九陽炁足則動靜无奸邪可入

火生於木禍發必尅奸生於國時動必潰知之修鍊謂之聖人火生於木陽炁之盛則戒之在鬪戒之在慾勿令奸賊生焉君子修身鍊行然後治國安民聖賢之人也

演法章

天地萬物之盜萬物人之盜人萬物之盜三盜既備三才既安故曰食其時百骸治動其機萬化安

三生萬物含正陽之炁一炁盜受七日來復乃三才得一而備人既盜萬物之始日用而不知知之者長生形骸无變萬化自安也

人知其神不知其不神所以神也

人之有三萬六千神光故多慾則耗竭精神故不神也易曰陰陽不測之爲神抱一存神所以神也

日月有數小大有定聖功生焉神明出焉

日則火之精晝夜行一度月則水之精晝夜行一十二度半是故君子盜水火之數小大運動乃有殊聖之功也神光出焉

道藏輯要

陰符經注

卷

斗集六

其盜機也天下莫能見莫能知君子得之固躬小人得之輕命故賊盜天機造化運動愚者莫能見莫能知君子得之歸真小人逆之亡命

演術章

瞽者善聽聾者善視絕利一源用師十倍

瞽聾善聽視則絕利根源人能專一心而中道不廢十倍之功不可及也

三返晝夜用師萬倍

君子專心反覆晝夜三陽之時行用不闕乃過師之功萬倍也

心生於物死於物機在目

心既灰而目不外視生死絕念乃忘其機也

天之无恩而大恩生

天之不言日月无私人能盜餌精華得不死之術恩无極則是大恩生也

迅雷烈風莫不蠢然

專一志而慤乎不拔故蠢然而不動也

至樂性餘至靜則廉

性和則包荒有餘心清則萬化平廉

天之至私用之至公

道藏輯要

陰符經注

庚

斗集六

天垂象人能盜而行之至私也天之造化无偏无黨乃至公也

禽之制在炁生者死之根死者生之根

人因炁而生因炁而死萬物因地而生因地而死人若能擒制得天地正炁乃長生不死之根也禽者擒縱也

恩生於害害生於恩

萬物春生夏長恩也秋殺冬藏害也人因婦人而生乃恩也因婦人死是害也

愚人以天地文理聖我以時物文理哲

天文地理也天時地利也象天體制者聖順時變動者哲愚

者不能察天時人事若能合天地化育與時設教乃聖人賢哲也

道者靜之本靜者天之機動則觀其變變則察其象故造化動靜陰陽相推是以合天運數不可差忒太玄曰夜則測陰晝則測陽乃聖人通達立理固蒂性命潛機不宰至論無窮今談兵法人事者豈不遠哉

正一天師清微弟子洪百賢製作
道教學術資訊網站